



東坡集卷第九

詩六十七首

春菜

蔓菁宿根已生葉
莖牙戴土拳如廢
爛蒸香薺白魚肥
碎點青蒿涼餅滑
宿酒初消春睡起
細履幽畦掇芳辣
茵陳甘菊不負渠
繪綫堆盤纖手抹
北方苦寒今未已
雪底坡稜如鐵甲
豈如吾蜀富冬蔬
霜葉露牙寒更茁
久拋菘藟猶細事
苦苟江豚那忍說
明年接剌徑須歸
莫待齒搖并髮脫

送鄭戶曹



游遍錢塘湖上山歸來文字帶芳鮮
羸僮瘦馬後吾飲陋甚何人似子賢
公業有田常乏食廢文好客竟無
甌東歸不趁花時節開盡春風誰與妍

虔州八境圖八首

坐看奔湍遶石樓使君高會百無憂
三犀竊鄙秦太守八詠聊同沈隱侯

濤頭窺窻打城還章穎臺前莫靄寒
勸客登臨無限思孤雲落日是長安

白鵝樓前翠作堆縈雲嶺路若為開
故人應在千山外不寄梅花遠信來

朱樓深處日微明皂蓋歸時酒半醒
薄莫漁樵人去盡碧溪青嶂遠螺亭

使君那暇日參禪一望叢林一悵然
成佛莫教靈運後着鞭杖使祖生先

却從塵外望塵中無限樓臺煙雨濛
山水照人迷向背只尋孤塔認西東

煙雲縹渺鬱孤臺積翠浮空雨半開
想見之采觀海市峰宮明滅是蓬萊

回峰亂嶂鬱參差雲外高人世得知
誰向空山弄明月山中木客解吟詩

讀孟郊詩二首

夜讀孟郊詩細字如牛毛寒燈照昏花佳處時一遺
孤芳擢荒穢苦語餘詩駭水清石鑿鑿湍激不受篙
初如食小魚所得不償勞又似煮彭蠡竟日嚼空齏
要當聞僧清來足當韓蒙人生如朝露日夜火消膏
何苦將兩耳聽此寒蟲啼不如且置之飲我玉色膠
我憎孟郊詩復作孟郊語飢腸自鳴與空壁轉飢鼠
詩從肺腑出出輒愁肺腑有如黃河魚出膏以自煮
尚愛銅斗歌邠俚頗近古挑兮射鴨霰獨速短衰舞
不憂踏船翻踏浪不踏土吳姬霜雪白赤脚浣白紵

嫁與踏浪兒不識離別苦歌君江湖曲感我長羈旅

訪張山人得山中字二首

魚龍隨水落猿鶴喜君還舊隱丘墟外新堂紫翠間

野藤馴杖屨幽桂出榛菅洒掃門前路山公亦愛山

張故居為大水所壞
新卜此室故居之東

萬木鎖雲龍山名天留與戴公路迷山向背人在灤西

東薺麥餘春雪櫻桃落晚風入城都不記歸路醉眠

中

送孔郎中赴陝郊

鶉風擊面黃沙走西出嶺幽脫塵垢使君來自古徐

州叢震河潼敷關右十里長亭聞鼓角一川秀色明
花柳北臨飛檻卷黃流南望青山如峴首東風吹開
錦繡谷深水翻動蒲萄酒訟庭生草數開樽過客如
雲牢閉口

與梁左藏會飲博國博家

將軍破賊自草檄論詩說劍俱第一彭城老守本虛
名識字劣能欺項籍風流別駕貴公子欲把笙歌暖
鋒鏑紅旆朝開猛士噪翠帷暮卷佳人出東堂醉卧
呼不起啼鳥落花春寂寂試教長笛傍耳根一敲吹
裂堦前石

寒食日荅公擇三絕次韻

從來蘇李得名雙只恐全齊笑陋邦詩似懸河供不
辦故欺張籍隴頭瀧

簿書暮鼓不知春佳句相呼賴故人寒食德公方上
冢歸來誰主復誰賓

巡城已困塵埃昧執朴仍遭蟻蝨緣欲脫布衫携素

手試開病眼點黃連

宋詩謂僕
布衫對後

約公擇飲是日大風

先生生長佳廬山山中讀書三十年舊聞飲水師顏
淵不知治劇乃所便偷兒夜探赤白丸奮舞忽逢朱

子元半年群盜誅七百誰信家書藏此千春風無事
秋月閑紅粧執樂豪且妍紫衫玉帶兩部全琵琶一
抹四十絃客來留飲不計錢齊人愛公如子產兒啼
卧路呼不還我慙山郡空留連牙兵部吏笑我寒邀
公飲酒公無難約束官奴買花鈿薰衣理鬢夜不眠
曉來顛風塵暗天我思其由豈坐慳作詩愧謝公笑
謹歸來瑟縮愈不安要當啖公八百里豪氣一洗儒
生酸

坐上賦戴花得天字

清明初過酒闌珊折得奇葩晚更妍春色豈關吾輩

事老狂聊作坐中先醉吟不耐歌紗帽起舞從教落
酒船結習漸消留不住却須還與散花天

夜飲次韻畢推官

簿書叢裏過春風酒聖時時且復中紅燭照庭新
髮黃雞催曉唱玲瓏老來漸減金釵興醉後空鴛玉
笏工月未上時應早散免教壑谷問吾公

續履人行

李仲謀家有周昉畫背面欠伸內人極
精戲作此詩

深宮無人春日長沉香亭北百花香美人睡起薄梳

洗燕舞鴛帶空斷勝畫工欲盡無窮意肯立東風初
破睡若教回首却嫣然陽城下蔡俱風靡杜陵飢客
眼長寒寒廬破帽隨金鞍隔花臨水時一見只許腰
支背後看心醉歸來茅屋底方信人間有西子君不
見孟光舉案與眉齊何曾背面傷春啼

聞李公擇飲傅國博家大醉二首

兒童拍手開黃昏應笑山公醉習園縱使先生能一
石主人未肯獨留斃

不肯惺惺騎馬迴玉山知為玉人頹紫雲有語君知
否莫喚分司御史來

起伏龍行 并敘

徐州城東二十里有石潭父老云真泗水通增損清
濁相應不差時有河魚出焉元豐元年春旱或云置
虎頭潭中可以置雷雨用其說作起伏龍行一首
何年白竹千鈞弩射殺南山雪毛虎至今顛骨帶霜
牙尚作四海毛蟲祖東方久旱千里赤三月行人口
生土碧潭近在古城東神物所蟠誰敢侮上歌蒼石
攤巖竇下應清河通水府眼光作電走金地鼻息為
雲擢煙縷當年負圖傳帝命左右羲軒詔神禹爾來
懷寶但貪眠滿腹雷霆瘖不吐赤龍白帝戰明日

丙辰明
口庚寅
倒卷黃河作飛雨
嗟吾豈樂聞兩雄有事徑
須煩一怒

聞公擇過雲龍張山人輒往從之公擇有

詩戲用其韻

我生固多憂肉食常苦墨軒然就一笑猶得好飲力
聞君過雲龍對酒兩靜默急攜清歌女出郭及未具
一歡難力致邂逅有勝持喧蜂集晚花亂雀草叢棘
山人樂此耳寤寔誰特側何當求好人聊使治要襪
使君自孤憤此理誰相直不如學養生一氣服于息

送李公擇

嗟余寡兄弟四海一子由故人雖云多出處不我謀
弓車無停招逝去勢莫留僅存今幾人各在天一際
有如長庚月到曉爛不收宜我與夫子相好手足侔
比年兩見之賓主更獻酬樂哉十日飲術術和不流
論事到深夜僵仆鈴與騶頗嘗見使君有客如此不
欲別不忍言慘慘集百憂念我野夫兄知名三十秋
已得其為人
不待風馬牛他年林下見傾蓋如白頭

送筍芍藥與公擇二首

久客厭虜饌蜀人謂東虜子枵然思南烹故人知我意千
里寄竹萌駢頭玉嬰兒一一脫錦裯庖人應未識旅

人眼先明我家拙厨膳蔬肉毛蕪菁送與江南客燒
煑配香粳

今日忽不樂折盡園中花園中之何有芍藥衰殘葩
久旱復遭雨紛披亂泥沙不折亦安用折去還可嗟
弃擲亮未能送與謫仙家還將一枝春插向兩髻丫

和孫莘老次韻

去國光陰春雪消還家蹤迹野雲飄功名正自妨行
樂迎送纔堪博早朝雖去友朋親吏卒却詞讒謗得
風謠今年我亦江東去不問繁雄與寂寥

游張山人園

壁間一軸煙蘿子盆裏千枝錦被堆慣與先生為酒
伴不嫌刺史亦顏開纖纖入麥黃花亂颯颯催詩白
雨來聞道君家好井水歸軒乞得滿餅回

杜介熙熙堂

崎嶇世路寂先回窈窕華堂手自開咄咄何曾書怪
事熙熙長覺似春臺白砂碧玉味方永黃紙紅旗心
已灰遙想閉門投轄飲鳴絃鐵撥響如雷

次韻荅劉涇

吟詩莫作秋蟲聲天公怪汝鈎物情使汝未老華髮
生芝蘭得雨蔚青青何用自燔以出馨細書千紙雜

真行新音百變口如鸞異義峰起弟子爭舌翻濤瀾
卷齊城萬卷堆胸瓦相撐以病為樂子未孺我有至
味非煎烹是中之樂吁難名綠槐如山閣廣庭飛蟲
繞耳細而清敗席展轉卧見經亦自不嫌翠織成意
行信足無溝坑不識五郎呼作卿吏民哀我老不明
相戒毋復煩鞭刑時臨泗水照星星微風不起鏡面
平安得一舟如葉輕卧聞郵籤報水程尊羨羊酪不
須評一飽且救飢腸鳴

攜妓樂游張山人園

大杏金黃小麥熟墮巢乳鵲拳新竹故將俗物惱幽

人細馬紅粧滿山谷提壺勸酒意雖重社鷓催歸聲
更速酒闌人散却關門窸歷斜陽挂疎木

種德亭 并叙

處士王復家於錢塘為人多技能而醫尤精期於活
人而已不志於利築室候潮門外治園圃作亭榭以
與賢士大夫游惟恐不及然終無所求人徒知其接
花藝果之勤而不知其所種者德也乃以名其亭而
作詩以遺之

小圃旁城郭閉門芝木香名隨市人隱德與佳木長
元化善養性倉公多禁方所活不可數相違死相忘

但喜賓客來置酒花滿堂我欲東南去再觀雙檜蒼
山茶想出屋湖橋應過牆木老德亦熟吾言豆菜唐
文與可有詩見寄云待將一段想心以綰掃
取寒梢萬尺長次韻答之
為愛鵝溪白雲光掃殘雞距紫毫鉗世間那有千尋
竹月落庭空影許長

聞辯才法師復歸上天竺以詩戲贈

道人出山去山色如死灰白雲不解笑青松有怨哀
忽聞道人歸鳥語山容開神光出寶髻法雨洗浮埃
想見南北山花發前後臺寄聲問道入借禪以爲詠

何所聞而去何所見而回道入笑不答此意安在哉
昔年本不住今者亦無來此語竟非是且食白楊梅

和子由送將官梁左藏仲通

雨足誰言春麥短城堅不怕秋濤卷日長惟有睡相
宜半脫紗巾落紈扇芳草不鋤當戶長珍禽獨下無
人見覺來身世都是夢坐久枕痕猶著面城西忽報
故人來急掃風軒炊麥飯徐州出伏波論兵初矍鑠中
散談仙更清遠南都從事忘學道不卹腸空誇腦滿
問羊他日到金華應許相將游閣苑黃初平之兄孫其弟於金華山

次韻秦觀秀才見贈秦與孫莘老李公擇

甚熟將入京應舉

夜光明月非所接逢年遇合百無憂將軍百戰竟不
侯伯郎一斗得涼州翹關負重君無力十年不入紉
華城故人坐上見君文謂是古人吁莫測新詩說盡
萬物情硬黃小字臨黃庭故人已去君未到空吟
畔草青青誰謂他鄉各異縣天遣君來破吾願一聞
君語識君心短李孱孫眼中見江湖放浪久全真忽
然一鳴驚倒人從橫所值無不可知君不怕新書新
千金弊帚那堪換我亦淹留豈長筭山中既未決同
歸我聊爾耳君其漫

僕襄於長安陳漢卿家見吳道子畫佛碎
爛可惜其後十餘年復見之於鮮于子駿
家則已裝背完好子駿以見遺作詩謝之

貴人金多身復閑爭買書畫不計錢已將鐵石充逸

少 鐵石梁武帝時人今法 更補朱絲為道玄 世所

畫多末 筆如 煙熏屋漏裝玉軸鹿皮蒼壁知誰賢吳生畫

佛本神授夢中化作飛空像覺來落筆不經意神妙
獨到秋毫顛我昔長安見此畫歎惜至寶空潛然素
絲斷續不忍看已作胡蝶飛聯翩君能收拾為補綴
體質散落嗟神全志公髣髴見刀尺備羅天女猶旌

妍如觀老杜飛鳥句脫字欲補知無緣問君乞得良
有意欲將俗眼為洗前貴人一見定羞作錦囊千紙
何足捐不須更用博麻縷付與一炬隨飛煙

雨中過舒教授

踈踈簾外竹瀏瀏竹間雨窓扉靜無塵几硯寒生霧
美人樂幽獨有得緣無慕坐依蒲褐禪起聽風甌語
客來淡無有灑掃涼冠屨濃茗洗積昏妙香淨淨慮
歸來此堂閣一一微螢度此生憂患中一餉安閑處
飛鳥悔前笑黃犬悲晚悟自非陶靜節誰識此間趣

次韻舒教授寄李公擇

草書妙絕吾所尤真書小低猶抗行論文作詩俱不
敵看君談笑收降挫去年逾月方出晝予去年四月餘為

君劇飲幾濡首今年過我雖少留窳冥陶潛方止酒

此行公擇病酒多不敢別時派涕攬君須懸知此歡墮空虛松

下從橫餘屐齒門前懸轅想君車怪君一身都是德

近之清潤淪肌骨細思還有可恨時不許藍橋見傾

國公擇有婢名雲英發欲出不果

送鄭戶曹

水遠彭祖樓山圍戲馬臺古來豪傑地千歲有餘哀
隆準飛上天重瞳亦成灰白門下呂布大星隕臨淮

妍如觀老杜飛鳥句脫字欲補知無緣問君乞得良
有意欲將俗眼為洗前貴人一見定羞作錦囊千紙
何足捐不須更用博麻縷付與一炬隨飛煙

雨中過舒教授

踈踈簾外竹瀏瀏竹間雨窓扉靜無塵几硯寒生霧
美人樂幽獨有得緣無慕坐依蒲褐禪起聽風甌語
客來淡無有灑掃涼冠屨濃若洗積昏妙香淨淨慮
歸來北堂閣一一微螢度此生憂患中一餉安閑處
飛為悔前笑黃犬悲晚悟自非陶靜節誰識此間趣

次韻舒教授寄李公擇

草書妙絕吾所見真書小低猶抗行論文作詩俱不
敵看君談笑收降旌去年逾月方出晝予去年留齊月餘為

君劇飲幾濡首今年過我雖少留寂寞陶潛方止酒

此行公擇病酒多不飲別時派涕攬君須懸知此歡墮空虛松

下從橫餘屐齒門前懸轅想君車怪君一身都是德

近之清潤淪肌骨細思還有可恨時不許藍橋見傾

國公擇有婢名雲英嫁欲出不果

送鄭戶曹

水遠茲祖樓山圍戲馬臺古來豪傑地千歲有餘哀
隆準飛上天重瞳亦成灰白門下呂布大星隕臨淮

尚想劉德輿置酒此徘徊爾來苦窸窣廢圃多蒼苔
河從百步響山到九里回山水自相激夜敲轉風雷
蕩蕩清河孺黃樓我所開秋月墮城角春風搖酒杯
遲君為坐客新詩出瓊瑰樓成君已去人事固多乖
他年君倦游白首賦歸來登樓一長嘯使君安在哉

次韻黃魯直見贈古風二首

佳穀卧風雨良莠登我場陳前漫方丈玉食慄無光
大哉天宇間美惡更臭香君看五六月飛蚊殷回廊
茲時不少假俛仰霜葉黃期君蟠桃枝千歲終一嘗
顧我如苦李全生依路傍紛紛不足愠悄悄徒自傷

空山學仙子妄意莖簫聲千金得奇藥開視皆狝苓
不知市人中自有安期生今君已度世坐閱霜中蒂
摩挲古銅人歲月不可計閱風安在哉要君相拍似

次韻荅舒教授觀余所藏墨

異時長笑王會稽野鷺臙腥汙刀几莫年却得庾安
西自厭家難題六紙二子風流冠當代顧與兒童爭
愠喜秦王十八已龍飛嗜好晚將虵蚓比我生百事
不挂眼時人繆說云工此世間有癖念誰無傾身障
簾尤堪鄙一生當著幾兩屐定心月為微物起此墨
足支三十年但恐風霜侵髮齒非人磨墨墨磨人研

尚想劉德輿置酒此徘徊爾來苦寂寞廢園多蒼苔
河從百步響山到九里回山水自相激夜聲轉風雷
蕩蕩清河孺黃樓我所開秋月墮城角春風搖酒杯
遲君為坐客新詩出瓊瑰樓成君已去人事固多乖
他年君倦游白首賦歸來登樓一長嘯使君安在哉

次韻黃魯直見贈古風二首

佳殺卧風雨良莠登我場陳前漫方文玉食慄無光
大哉天宇間美惡更臭香君看五六月飛蚊殷回廊
茲時不少假俛仰霜葉黃期君蟠桃枝千歲終一嘗
顧我如苦李全生依路傍紛紛不足愠悄悄徒自傷

空山學仙子妄意笙簫聲千金得奇藥開視皆狝苓
不知市人中自有安期生今君已度世坐閱霜中蒂
摩挲古銅人歲月不可計閱風安在哉要君相拍似

次韻荅舒教授觀余所藏墨

異時長笑王會稽野鷺臙腥汙刀几莫年却得庾安
西自厭家難題六紙二子風流冠當代顧與兒童爭
愠喜秦王十八已龍飛嗜好晚將虵蚓比我生百事
不挂眼時人繆說云工此世間有癖念誰無傾身障
簾尤堪鄙一生當著幾兩屐定心肯為微物起此墨
是支三十年但恐風霜侵髮齒非人磨墨墨磨人餅

應未罄墨先恥逝將振衣歸故國數畝荒園自鋤理
作書寄君君莫笑但覓來禽與青李一螺點漆便有
餘萬竈燒松何處使君不見永寧第中擣龍麝列屋
閉居清且美倒暈連眉秀嶺浮雙鴉畫鬢香雲委時
聞五斛賜蛾綠不惜千金求獺髓聞君此詩當大笑
寒窓冷硯冰生水

送鄭戶曹賦席上果得榘子

彼美玉山果繫為金盤實瘴霧脫蠻溪清樽奉佳客
客行何以贈一語當加璧祝君如此果德膏以自澤
驅攘三豎仇已我心腹疾願君如此木凜凜傲霜雪

斲為君倚几滑淨不容削物微與不淺此贈母輕擲

送胡掾

亂葉和淒雨投空如散絲流年一如此游子去何之
節義古所重艱危方自茲他時著清德仍復畏人知

荅仲屯田次韻

秋來不見漢陂岑千里詩盟忽重尋大木百圍生遠
籟朱絃三嘆有遺音清風卷地收殘暑素月流天掃
積陰欲遣何人廣絕唱滿塔桐葉候蟲吟

密州宋國博以詩見紀在郡雜詠次韻荅
之

吾觀二宋文字字照緣素淵源皆有考奇險或難句
後來邈無繼嗣子其殆庶胡為尚派落用舍真有數
當時苟悅可慎勿笑狀杜斷窓誰赴救袖手良優裕
山城辱吾繼缺短煩遮護昔年繆陳詩無人聊瓦注
于今賡絕唱外重中已懼何當附家集擊壤追咸獲

荅范祖禹

吾州下邑生劉李誰數區區張與李

未詩有張僕射李臨淮之句

重瞳遺迹已塵埃惟有黃樓臨泗水

郡有樓事俗謂之

不河蓋黃樓而今太守老且寒俠氣不洗儒生酸猶

勝白門窮呂布欲將鞍馬事曹瞞

次韻荅王定國

每得君詩如得書宣心寫妙書不如眼前百種無不
有知君一以詩驅除傳聞都下十日雨青泥沒馬街
生魚舊雨來人今不來油然獨酌卧清虛名堂我雖作
郡古云樂山川信美非吾廬願君不廢重九約念此
衰冷勤呵噓

芙蓉城并叙

世傳王迥字子高興仙人周瑤英游芙蓉城元豐元
年三月余始識子高問之信然乃作此詩極其情而
歸之正亦變風止乎禮義之意也

芙蓉城中花冥冥誰其主者石與丁珠簾玉按翡翠
屏雲舒霞卷千倬倬中有一人長眉青烟如微雲淡
疎星往來三世空練形竟坐誤讀黃庭經天門夜開
飛爽靈無復白日乘雲輶俗緣千劫磨不盡翠被冷
落淒餘馨因過緱山朝帝廷夜聞笙簫弭節聽飄然
而來誰使令皎如明月入總樞忽然而去不可執寒
衆虛幌風泠泠仙宮洞房本不局夢中同筭鳳凰翎
徑渡萬里如奔霆玉樓浮空聳亭亭天書雲篆誰所
銘瓊樓飛步高吟辨仙風銷然韻流鈴遽遽形開如
酒醒芳卿寄謝空丁寧一朝覆水不返研羅巾別淚

空熒熒春風花開秋葉零世間羅綺紛臆醒此生流
浪隨滄溟偶然相直兩浮萍願君收視觀三庭勿與
嘉穀生蝗螟從渠一念三千齡下作人間尹與邢

和鮮于子駿鄆州新堂月夜二首

前次韻後不次

去歲游新堂春風雪消後池中平蒿水池上千尺柳
佳人如桃李胡蝶入衫裏山川今何許疆野已分宿
歲月不可思駛若船放溜繁華真一夢寤寐兩榮朽
惟有當時月依然照杯酒應憐船上人坐穩不知漏
明月入華池反照池上堂堂中隱几人心與水月涼
風螢已無迹露草時有光起觀河漢流步屣響長廊

芙蓉城中花冥冥誰其主者石與丁珠簾玉按翡翠
屏雲舒霞卷千倬倬中有一人長眉青烟如微雲淡
疎星往來三世空練形竟坐誤讀黃庭經天門夜開
飛爽靈無復白日乘雲軒俗緣千劫磨不盡翠被冷
落淒餘馨因過緱山朝帝廷夜聞笙簫弭節聽飄然
而來誰使令皎如明月入牕櫺忽然而去不可執寒
袂虛幌風泠泠仙宮洞房本不局夢中同躡鳳凰翎
徑渡萬里如奔霆玉樓浮空聳亭亭夫書雲篆誰所
銘瓊樓飛步高玲瓏仙風銷然韻流鈴遠遶形開如
酒醒芳卿寄謝空丁寧一朝覆水不返罨羅巾別淚

空熒熒春風花開秋葉零世間羅綺紛臆醒此生流
浪隨滄溟偶然相值兩浮萍願君收視觀三庭勿與
嘉穀生蝗螟從渠一念三千齡下作人間尹與邢

和鮮于子駿鄆州新堂月夜二首

前次韻
後不次

去歲游新堂春風雪消後池中半篙水池上千尺柳
佳人如桃李胡蝶入衫裏山川今何許疆野已分宿
歲月不可思駛若船放溜繁華真一夢窈窕兩榮朽
惟有當時月依然照杯酒應憐船上人坐穩不知漏
明月入華池反照池上堂堂中隱几人心與水月涼
風螢已無迹露草時有光起觀河漢流步屣響長廊

名都信繁會千指調絲簧先生病不飲童子為燒香
獨作五字詩清絕如韋郎詩成月漸側皎皎兩相望

送將官梁左巖赴莫州

燕南垂趙北際其間不合大如礪至今父老哀公孫
烝土為城鐵作門城中積穀三百萬猛士如雲驕不
戰一朝鼓角鳴地中帳下美人空掩面豈如千騎平
時來笑談營效生風雷萬巾羽扇紅塵靜投壺雅歌
清燕開東方健兒虓虎樣泣涕懷思廉恥將彭城老
守亦淒然不見君家雪兒唱

次韻子由送趙以歸觀錢塘遂赴永嘉

歸舟轉河曲稍見楚山蒼候吏來迎客吳音已帶鄉
言從謝康樂先獻魯靈光已擊三千里何須四十強
風流半刺史清絕校書郎到郡詩成集尋溪水澗裳
芒鞋隨採藥蠶紙記流觴海靜蛟鼉出山空草不長
宦游燕遠近民事要更嘗願子傳家法他年請尚方

中秋月三首

寂動去年月澹灑古城東憔悴去年人卧病破窓中
徘徊巧相覓窈窕穿房櫳月豈知我病但見歌樓空
撫枕三歎息杖起相從天風不相哀吹我落瓊宮
白露入肝肺夜吟如秋蟲坐令太白豪化為東野窮

餘年知幾何佳月豈屢逢寒魚亦不睡竟夕相唼噉
六年逢此月五年照離別中秋有月九年矣能歌
君別時曲滿坐為淒咽留都信繁麗此會豈輕擲
銀百頃湖挂鏡千尋闕三更歌吹罷人影亂清樾歸
來北堂下寒光翻露葉與酒與婦飲念我向兒說豈
知衰病後空盞對梨栗但見古河東麴麥如鋪雪欲
和去年曲復恐心斷絕

舒予在汶上閉門相對清

舒煥試舉人鄆州

鄭子向河朔

鄭

近北京

孤舟連夜行頓子雞咫尺兀如

在牢局

頓起來

人

趙子寄書來水調有餘聲

今日得趙采婦書稿記余在東武中秋所作水

調

悠哉四子心共此千里明明月不解老良辰難

合并回顧坐上人聚散如流萍嘗聞此宵月萬里同

陰晴

故人生為余言嘗見海賈云中秋有月則是歲多而圓賈人常以此候之雖相去萬里地

日會合相同陰晴無不同者

天公自著意此會那可輕明年各相

望俯仰今古情

中秋見月寄子瞻兄子由

西風吹暑天益高明月耿耿分秋毫彭城閉門青嶂
合坐聽百步鳴飛濤史君携客登燕子月色著人如
著水筵前不設鼓與鍾處處笛聲相應起浮雲卷盡
流金丸戲馬臺西山鬱蟠杯中漾酒一時盡衣上白

露三更寒扁舟明日浮古汴回首逡巡陵谷變河吞
巨野入長淮城沒黃流只三板明年築城城似山伐
木為堤堤更堅黃樓未成河已退空有遺迹令人看
城頭看月應更好河流深處今生草子孫免被魚鼈
食歌舞聊寬史君老南都從事老更貧羞見青天月
照人飛鶴投籠不能出曾是彭城坐中客

和

明月未出群山高瑞光千丈生白毫一杯未盡銀闕
涌亂雲脫壞如崩濤誰為天公洗眸子應費明河千
斛水遂令冷看世間人照我湛然心不起西南火星

如禪九角尾奕奕蒼龍蟠今宵注眼看不見更許螢
火爭清寒何人艤舟臨古汴千燈夜竹魚龍變曲折
無心逐浪花低昂赴節隨歌板是夜賈客舟中放水燈青燄滅
沒轉前山浪颭風迴豈復堅明月易低人易散歸來
呼酒更重看堂前月色愈清好咽咽寒蟬鳴露艸卷
簾推戶寂無人窓下唧啞惟楚老近有一孫名楚老南都從
事莫羞貧對月題詩有幾人明朝人事隨日出恍然
一夢瑤臺客

答王筆筆將見過有詩自謂惡客戲之

汴泗造吾城城堅如削鐵中有李臨淮跡令肝膽裂

古來彭城守未省怕惡客惡客云是誰祥符相公孫
是家豪逸生有種千金一擲頗黎盆連車載酒來不
飲外酒嫌其村子有千觔酒我有萬株菊任子滿頭
插團團見花不見目醉中插花歸花重壓折軸問客
何所須客言我愛山青山自遶郭不要買山錢此外
有黃樓樓下一河水美哉洋洋乎可以療飢并洗耳
彭城之遊樂復樂客惡何如主人惡

次韻王定國馬上見寄

昨夜霜風入袂衣曉來病骨更支離踈狂似我人誰
顧坎軻憐君志未移但恨不携挑菜女尚能來趁菊

花時南臺二謝無人繼直恐君詩勝義熙武帝九年

燕歲
馬臺

與頓起孫勉從舟探韻得未字

窓前堆梧桐林下鳴絡緯佳人尺書到客子中夜胃
朝來一樽酒晤語聊自慰秋蠅已無聲霜蟹初有味
當為壯士飲散裂頰磔蝟勿作兒女懷坐念蕭靖畏
山城亦何有一笑馮所胃從舟以娛君魚鱸多可錄
縱為十日飲未遽主人費吾儕俱老矣耿耿知自貴
寧能傍門戶帝笑雜猩拂要將百篇詩一吐千丈氣
蕭條歲行莫迨此霜雪未明朝出城南遺迹觀楚魏

西風迫火帽金菊亂如沸願君勿言歸輕別吾所諱
次韻荅頌起二首

挽袖推腰踏破紳舊聞携手上天門相逢應覺聲容
似欲話先驚歲月奔新學已皆後許子諸生猶自畏
何蕃殿廬直宿真如夢猶記憂時策萬言頌君及衆
詩余為發

後編辨官見其荅策語頌直其後與子由試卒人西
示既罷同登嵩山絕頂嘗見其唱酬詩十餘首頌詩
中之及

十二東秦北漢京去年古寺共題名去歲見之
於青州早衰

怪我遽如許苦學憐君太瘦生茆屋擬歸田二項金
丹終掃雪千莖何人更似蘇司業和遍新詩滿洛城

東坡集卷第九

東坡集卷第十

詩七十八首

九日黃樓作

去年重陽不可說
南城夜半千漚發
水穿城下作雷鳴
泥湍城頭飛雨滑
黃花白酒無人問
日暮歸來洗鞞韞
豈知還復有今年
把盞對花容一呷
莫嫌酒薄紅粉陋
終勝泥中千柄鍤
黃樓新成壁未乾
青河已落霜初殺
朝來白露如細雨
南山不見千尋剌
樓前便作海茫茫
樓下空聞鴈軋軋
薄寒中人老可畏
熟酒澆腸氣先壓
煙消日出見漁村
遠水鱗鱗山鬩鬩

詩人猛士雜龍虎坐客三十餘人楚舞吳歌亂鶩鴨
一杯相屬君勿詞此境何殊泛清雪

太虛以黃樓賦見寄作詩為謝

我在黃樓上欲作黃樓詩忽得故人書中有黃樓詞
黃樓高十丈下建五丈棋楚山以為城泗水以為池
我詩無傑句萬景驕莫隨夫子獨何妙雨電散雷推
雄詞雜今古中有屈宋姿南山多磬石清滑如流脂
朱蠟為摹刻細妙分毫釐佳處未易識當有來者知

九日次韻王鞏

我醉欲眠君罷休已教後事到青州鬢霜饒我三千

丈詩律輸君一百壽聞道郎君閉東閣且容老子上
南樓相逢不用忙歸去明日黃花蝶也愁

送頓起

客路相逢難為樂常不足臨行挽衫袖更賞折殘菊
佳人亦何念淒斷陽關曲酒闌不忍去共接一寸燭
留君終無窮歸駕不免促岱宗已在眼一往繼前躅
天門四十里夜看扶桑浴回頭望彭城大海浮一粟
故人在其下塵土相蹴蹴惟有黃樓詩千古配淇澳

頓有詩記
黃樓本末

送孫勉

詩人猛士雜龍虎坐客三十餘人楚舞吳歌亂鶩鴨
一杯相屬君勿詞此境何殊泛清霄

太虛以黃樓賦見寄作詩為謝

我在黃樓上欲作黃樓詩忽得故人書中有黃樓詞
黃樓高十丈下建五丈棋楚山以為城泗水以為池
我詩無傑句萬景驕莫隨夫子獨何妙雨電散雷推
雄詞雜今古中有屈宋姿南山多磬石清滑如流脂
朱蠟為摹刻細妙分毫釐佳處未易識當有未者知

九日次韻王鞏

我醉欲眠君罷休已教後事到青州鬢霜饒我三千

丈詩律輸君一百壽聞道郎君閉東閣且容老子上
南樓相逢不用忙歸去明日黃花蝶也愁

送頓起

客路相逢難為樂常不足臨行挽衫袖更賞折殘菊
佳人亦何念淒斷陽關曲酒闌不忍去共接一寸燭
留君終無窮歸駕不免促岱宗已在眼一往繼前躅
天門四十里夜看扶桑浴回頭望彭城大海浮一粟
故人在其下塵土相蹴蹴惟有黃樓詩千古配淇澳

頓有詩記
黃樓本末

送孫勉

昔年罷東武曾過北海縣白河翻雪浪黃土如蒸麩
桑麻冠東方一熟天下賤是時累飢饉常苦盜賊變
每憐追胥官野宿風裂面君為淮南秀文采照金殿
君嘗考中進士第一人胡為事奔走投筆腰羽箭更被髯將軍
豪篇來督戰其兄華老以詩寄之皆言戰事親程三郡士玉石不能
銜欲知君得人失者亦稱善君才無不可要欲經百
鍊吾詩堪咀嚼聊送別酒嚙

李思訓畫長江絕島圖

山蒼蒼江茫茫大孤小孤江中央崖崩路絕猿鳥去
惟有喬木攬天長客舟何處來棹歌中流聲抑揚沙

平風軟望不到孤山久與船低昂峩峩兩煙鬢曉鏡
開新粧舟中賈客莫漫狂小孤前年嫁彭郎

次韻荅王鞏

我有方外客顏如瓊之英十年塵土窟一寸冰雪清
竭來從我游坦率見真情顧我無足戀戀此山水清
新詩如彈丸脫手不整停昨日放魚回衣巾滿浮萍
今日扁舟去白酒載烏程山頭見月出江路聞鼃鳴
莫作孺子歌滄浪濯吾纓吾詩自堪唱相子棹歌聲

張安道見示近詩

人物一衰謝微言難重尋殷勤永嘉末復聞正始音

清談未足多感時意殊深少年有奇志欲和南風琴
荒林蜩螿亂廢沼蛙蝮淫遂欲掩兩耳臨文但意瘖
蕭然王郎子來自緱山陰其婿王云見浮丘伯吹簫
明月岑遺聲落淮泗蛟鼉為悲吟願公正王度祈招
繼愔愔

次韻王鞏顏復同泛舟

沈郎清瘦不勝衣邊老便帶十圍蹶躒身輕山上
走謹呼松重醉中歸舞腰似雪金釵落談辯如雲玉
塵塵憶在錢塘正如此回頭四十二年非

次韻張十七九日贈子由

千戈萬槊擁蛇龍九日清樽豈復持是日南都官事
故使按兵無窮何日了菊花有信不吾欺道
遙瓊館真堪羨取次塵纓未可縻迨此暇時須痛飲他年長劍挂君頤

次韻王鞏獨眠

居士身心如槁木旅館孤眠體生粟誰能相思琢白
玉服藥千朝償一宿天寒日短銀燈續欲往後之車
脫軸何人吹斷參差竹泗水茫茫鴨頭綠

次韻王鞏留別

去國已八年故人今有誰當時交游內未數蔡克兒
豈無知我者好爵半已縻爭為東閣吏不顧北山移

清談未足多感時意殊深少年有奇志欲和南風琴
荒林蜩螿亂廢沼蛙烟淫遂欲掩兩耳臨文但意瘖
蕭然王郎子來自緱山陰其婿王云見浮丘伯吹簫
明月岑遺聲落淮泗蛟鼉為悲吟願公正王度祈招
繼愔愔

次韻王鞏顏復同泛舟

沈郎清瘦不勝衣邊老便便帶十圍躑躅身輕山上
走謹呼松重醉中歸舞腰似雪金釵落談辯如雲玉
塵塵憶在錢塘正如此回頭四十二年非

次韻張十七九日贈子由

千戈萬槩擁蛇龍九日清樽豈復持是日南都官事
故使按兵無窮何日了菊花有信不吾欺逍遙瓊館真堪羨取
次塵纓未可縻迨此暇時須痛飲他年長劔挂君頤

次韻王鞏獨眠

居士身心如槁木旅館孤眠體生粟誰能相思琢白
玉服藥千朝償一宿天寒日短銀燈續欲往後之車
脫軸何人吹斷參差竹泗水茫茫鴨頭綠

次韻王鞏留別

去國已八年故人今有誰當時交游內未數蔡克兒
豈無知我者好爵半已縻爭為東閣吏不顧北山移

公子表獨立與世頗異馳不詞千里遠成此一段奇
蛾眉亦可憐無柰思餅師無人伴客寢惟有支牀龜
君歸與何人文字相娛嬉持此調張子一笑當脫頤

登雲龍山

醉中走上黃茆岡滿岡亂石如群羊岡頭醉倒石作
牀仰看白雲天茫茫歌聲落谷秋風長路人舉首東
南望拍手大笑史君狂

次韻僧潛見贈

道人胸中水鏡清萬象起滅無逃形獨依古寺種秋
菊要伴騷人食落英人間底處有南北紛紛鴻鴈何

曾真閉門坐穴一禪榻頭上歲月空呼噤今年偶出
為求法欲與慧劍加礪礪雲衲新磨山水出霜鬚不
翦兒童驕公侯欲識不可得故知倚市無傾城秋風
吹夢過淮水想見橘柚垂空庭故人各在天一角相
望落落如晨星彭城老守何足顧棗林桑野相邀迎
千山不憚荒店遠兩脚欲趁飛猿輕多生綺語磨不
盡尚有宛轉詩人情猿吟鶴唳本無意不知下有行
人行空堦夜雨自清絕誰使掩抑啼孤惇我欲仙山
掇瑤草傾筐坐歎何時盈簿書鞭朴書填委煮茗燒
栗宜宵征乞取摩尼照濁水共看落月金盆傾

次韻潛師放魚

法師說法臨泗水無數天花隨塵尾勸將淨業種西
方莫待夢中呼起起哀哉若魚竟坐口遠愧知幾稊
生醴况逢孟簡對盧仝不怕校人欺子美疲民尚作
魚尾赤數罟未除吾願泚法師自有衣中珠不用辛
苦沙泥底

與舒教授張山人參寥師同遊戲馬臺書

西軒壁兼簡顏長道二首

古寺長廊院院行此軒偏慰旅人情
芟山西斷如迎客汴水南來故遶城
路失玉鈎芳艸合林亡白鶴古

泉清淡游何以娛庠老坐聽郊原琢磬聲

竹杖芒鞋取次行下臨官道見人情
天寒蒔粟猶栖畝日莫牛羊自入城
沽酒獨教陶令醉題詩誰似皎公清
更尋陋巷顏夫子乞取微言繼此聲

滕縣時同年西園

人皆種榆柳坐待十畝陰我獨種松
柏守此一寸心君看閭里間盛衰日
駸駸種木不種德聚散如飛禽老時
吾不識用意一何深知人得數士重
義忘千金西園手所開珎木來千岑
養此霜雪根遲彼鸞鳳吟池塘得流
水龜魚自浮沉幽桂日夜長白花亂
青松

豈獨富草木子孫已成林拱把不知數會當出千尋
樊侯種梓漆壽張富華簪我作西園詩以為里人箴

次韻王廷老和張十七九日見寄

霜葉投空雀啣籬上樓筋力強扶持對花把酒未甘
老膏面染頰聊自欺無事亦知君好飲多才終恐世
相縻請看平日銜杯口會有金椎為控頤

次韻參寥師寄秦太虛三絕句時秦君舉
進士不得

秦郎文字固超然漢武憑虛意欲仙底事秋來不得
解定中試與問諸天

一尾追風抹萬蹄崑崙玄圃謂朝隳回看世上無伯
樂却道鹽車勝月題

得喪秋毫久已冥不須聞此氣崢嶸何妨却伴參寥
子無數新詩咏唾成

與參寥師行園中得黃耳蕈

遣化何時取衆香法筵齋鉢久淒涼寒蔬病甲誰能
採落葉空畦半已荒老楮忽生黃耳菌故人兼致白
牙薑蕭然放筯東南去又入春山筍蕨鄉

百步洪二首

并叙

王定國訪余於彭城一日棹小舟與顏長道携盼英

卿三子游泗水北上聖女山南下百步洪吹笛飲酒
乘月而歸余時以事不得往夜着羽衣佇立於黃樓
上相視而笑以為李太白死世間無此樂三百餘年
矣定國既去逾月復與參寥師放舟洪下追懷曩游
已為陳迹喟然而歎故作二詩一以遺參寥一以寄
定國且示顏長道舒堯文邀同賦云

長洪斗落生跳波輕舟南下如投梭水師絕叫鳧鴈
起亂石一線爭磋磨有如兔走鷹隼落駿馬下注千
丈坡斷絃離柱箭脫手飛電過隙珠翻荷四山眩轉
風掠耳但見派沫生千渦噲中得樂雖一快何異水

伯夸秋河我生乘化日夜逝坐覺一念逾新羅紛紛
爭奪醉夢裏豈信荆棘埋銅駝覺來俯仰失千劫回
視此水殊委蛇君看岼邊蒼石上古米篙眼如蜂窠
但應此心無所住造物雖駛如余何回船上馬各歸
去多言堯堯師所呵

佳人未肯回秋波幼輿欲語防飛梭輕舟弄水買一
笑醉中蕩槳肩相磨不似長安閭里俠貂裘夜走燕
脂坡獨將詩句擬鮑謝涉江共採秋江荷不知詩中
道何語但覺兩頰生微渦我時羽服黃樓上坐見織
女初斜河婦來笛聲滿山谷明月正照金叵羅柰何

捨我入塵土擾擾毛群欺財馳不念空齋老病叟退
食誰與同委蛇時來洪土看遺迹恐見履齒青苔窠
詩成不覺雙淚下悲吟相對惟羊何欲遣佳人寄錦
字夜寒手冷無人呵

送岑寥師

上人學苦空百念已灰冷劍頭惟一吷焦穀無新穎
胡為逐吾輩文字爭蔚炳新詩如玉雪出語便清警
退之論草書萬事未嘗屏憂愁不平氣一寓筆所騁
頗怪浮屠人視身如丘井頽然寄淡泊誰與發豪猛
細思乃不然真巧非幻影欲令詩語妙無厭空且靜

靜故了群動空故納萬境關世走人間觀身卧雲嶺
醜醜雜衆好中有至味永詩法不相妨此語當更請

夜過舒堯文戲作

先生堂前霜月苦弟子讀書喧兩廡推門入室書縱
橫蠅紙燈籠晃雲母先生骨清少眠卧長夜默坐數
更鼓耐寒石硯欲生冰得火銅餅如過雨郎君欲出
先自贊坐客斂衽誰敢侮明朝阮籍過阿戎應作羲
之羨懷祖

十月十五日觀月黃樓席上次韻

中秋天氣未應殊不用紅紗照坐隅山下白雲橫匹

素水中明月卧浮圖未成短棹還三峽已約輕舟泛
五湖為問登臨好風景明年還憶使君無

荅王定民

開緘弈弈滿銀鈎書尾題詩語更道八法舊聞宗長
史五言今復擬蘇州筆蹤好在留臺寺棋隊遙知到
石溝欲寄鼠須并蠶紙請君章草賦黃樓

次韻王廷老退居見寄二首

浪蘂浮花不辨春歸來方識歲寒人回頭自笑風波
地閉眼聊觀夢幻身北牖已安陶令榻西風還避庾
公塵更搔短髮東南望試問今誰覆舊巾

接果移花看補籬腰鎌手斧不妨持上都新事長先
到老圃閑談未易欺釀酒閉門開社饗殺牛留客解
耕縻何時得見檄檄玉右手持盃左捧頤

次顏長道韻送傅倅

兩見黃花掃落英南山山寺遍題名宗成不獨依岑
范魯衛終當似弟兄去歲雲濤浮汴泗與君泥土滿
衣纓如今別酒休詞醉試聽雙洪落後聲

雲龍山觀燒得雲字

丁女真水妃寒山便火耘隕霜知已殺培戶聽初焚
束縕方熠燿敲石俄氤氳落點甘泉烽橫煙楚塞氛

窮虵上喬木潛蛟躡浮雲鷲飛墮傷鷹狂走迷癡麋
谷蟄起蜩鷲山妖竄變獫野竹爆哀聲幽桂飄窈芬
悲同秋照解快若夏燎蚊火牛入燕壘燧象奔吳軍
崩騰井陘口萬馬皆朱憤搖曳驪山陰諸姨爛紅裙
方隨長風卷忽值絕澗分我本山中人習見匪獨聞
偶從二三子來訪張隱君君家亦何有物象移朝曛
把酒看飛燼空庭落續紛行觀農事起畦壠如纈紋
細雨發春穎嚴霜倒秋黃始知一炬力洗盡狐兔群

和田國博喜雪

疇昔月如晝曉來雲暗天玉花飛半夜翠浪舞明年

螟蠶無遺種流亡稍占田歲豐君不樂鍾磬幾時編
田有服不樂

祈雪霧猪泉出城馬上作贈舒堯文

三年走吳越踏遍千重山朝隨白雲去莫與栖鴉還
翩如得木狃飛步誰能攀一為符竹累坐老敲榜間
此行亦何事聊散腰脚頑浩蕩城西南亂山如玦環
山下野人家桑柘雜榛菅歲晏風日暖人牛相對閑
薄雪不蓋土麥苗稀可刪願君發豪句朝談破天慳

次韻舒堯文祈雪霧猪泉

長笑虵醫一寸腹銜冰吐電何時足蒼鵠無罪亦可

憐斬頸橫盤不敢哭豈知泉下有猪龍卧枕雷車踏
陰軸前年太守為旱請雨點隨人如撒并傳飲之曾
雨太守歸國龍歸泉至今人詠淇園綠我今又復罹
此旱凜凜疲民在溝瀆却尋舊迹叩神泉坐客仍携
王子淵飲之時客看草中和樂職頌新聲妙語慰華
顛曉來泉上東風急湏上冰珠老蛟泣怪詞欲逼龍
飛起嶮韻不量吾所及行看積雪厚埋牛誰與春工
掀百蟄此時還復借君詩餘力汰翰仍貫笠揮毫落
紙勿言疲驚龍再起震失匙

石炭 并引

彭城舊無石炭元豐元年十二月始遣人訪獲於州
之西南白土鎮之北以冶鐵作兵犀利勝常云

君不見前年雨雪行人斷城中居民風裂肝濕薪半
束抱衾凋日莫敲門無處換豈料山中有遺寶磊落
如墜萬車炭流膏迸液無人知陣陣腥風自吹散根
苗一發浩無際萬人鼓舞千人看投泥潑水愈光明
爍玉流金見精悍南山栗林漸可息北山頑鑛何勞
鍛為君鑄作百煉刀要斬長鯨為萬段

人日獵城南會者十人以身輕一鳥過槍
急萬人呼為韻賦得鳥字

兒童笑使君憂愠長悄悄誰拈白接羅令跨金騾
東風吹濕雪手冷怯清曉忽發兩鳴鶻相趁飛蠅小
放弓一長嘯目送孤鴻矯吟詩忘鞭轡不語頭自挑
歸來仍脫粟鹽豉煮芹蓼何似雷將軍兩眼霜鶻皎
黑頭已為將百戰意未了馬上倒銀筍得免不暇燎
少年負奇志贈蹬百憂繞回首英雄人老死已不少
青春還一夢餘年真過鳥莫上呼鷹臺平生笑劉表
將官雷勝得過字代作

胡騎入雲中急烽連夜過短刀穿虜陣濺血貂裘沈
一來輦轂下愁悶惟欲卧今朝從公獵稍覺天宇大

一雙鐵絲箭未發手先垂射殺雪毛狐腰間餘一箇
臺頭寺步月得人字

風吹河漢掃微雲步櫛中庭月趁人浥浥爐香初泛
夜離離花影欲搖春遙知金闕同清景想見氍毹車
輾暗塵回首舊游真是夢一簪華髮岍綸巾

臺頭寺送宋希元

相從傾蓋只今年送別南臺便黯然入夜更歌金縷
曲他時莫忘角弓篇

是日與宋希元同裁

宋希元三年不顧東鄰女

取宋

二頃方求負郭田

取季

我欲歸休君未可茂先

方議斲龍泉

種松得徠字

其四在懷古堂
其六在石經院

春風吹榆林亂英飛作堆
荒園一雨過戢戢千萬栽
青松種不生百株望一枚
一枚已有餘氣壓千畝槐
野人易斗粟云自魯徂徠
魯人不知貴萬竈飛青煤
束縛同一車胡為乎來哉
法然解其縛清泉洗浮埃
枝傷葉尚困生意未肯回
山僧老無子養護如嬰孩
坐待走龍蛇清陰滿南臺
孤根裂山石直幹排風雷
我今百日客養此千歲材
時去替不百日伏苓無消息雙鬢
日夜摧古今一俛仰作詩寄餘哀

作詩寄王晉卿忽憶前年寒食北城之游

走筆為此詩

北城寒食煙火微落花胡蝶作團飛
王孫出游樂忘歸門前驄馬紫金鞵
吹笙帳底煙霏霏行人舉頭誰
敢睇扣門狂客君不麾更遣傾城出翠幃
書生老眼省見稀畫圖但覺周昉肥
別來春物已再菲西望不見紅日圍
何時東山歌采薇把琰一聽金縷衣

往在東武與人往反作蔡字韻詩四首今

黃魯直亦次韻見寄復和答之

符堅破荊州止獲一人半中郎老不遇
但喜識元歎我今獨何幸文字厭奇玩
又得天下才相從百憂散

陰求我輩人規作林泉伴寧當待垂老倉卒收一旦
不見梁伯鸞空對孟光案才難不其然婦女廁周亂
世豈無作者於我如既盥獨喜誦君詩咸韶音節緩
夜光一已多矧獲纍纍貫相思君欲瘦不往我真懦
吾儕眷微祿寒夜抱寸炭何時定相過徑就我手館
飄然東南去江水清且暖相與訪名山微言師忍繁

雪齋

菽僧法言作
雪山於齋中

君不見蛾眉山西雪千里北望城都如井底春風百
日吹不消五月行人如凍蟻紛紛市人爭奪中誰信
言公似贊公人間熱惱無處洗故向西齋作雪峰我

夢扁舟遶吳越長廊靜院燈如月開門不見人與牛
惟見空庭滿山雪

言有詩見寄云林
下閑看水枯牛

以雙刀遺子由子由有詩次其韻

寶刀匣不見但見龍雀鏢何曾斬蛟地亦未切琅玕
胡為穿窬輩見之要領寒吾刀不汝問有愧在其肝
念此乃自蔽包之虎皮斑湛然如古井終歲不復瀾
不憂無所用憂在用者難佩之非其人匣中自長歎
我老衆所易屢遭非意干惟有王玄通塔庭秀芳蘭
知子後必大故擇刀所便屠狗非不用一歲六七刃
欲試百鍊剛要須更泥蟠作詩銘其背以待知者看

游栢山會者十人以春水滿四澤夏雲多
奇峯為韻得澤字

東郊欲尋春未見鶯花迹春風在流水鳧鴈先拍拍
孤帆信溶漾弄此半篙碧艤舟栢山下長嘯理輕策
彈琴石室中幽響清磔磔弔彼泉下人野火失枯腊
悟此人間世何者為真宅暮回百步洪散坐洪上石
愧我非王襄子淵肯見客臨派吹洞簫水月照連壁
謂王氏兄弟也此歡真不朽回首歲月隔想象斜川游作詩
繼彭澤

戴道士得四字代作

少小家江南寄迹方外士偶隨日雲出賣藥彭城市
雪霜侵鬢髮塵土汙冠袂賴此三尺桐中有山水意
自從夷夏亂七絲久已弃心知鹿鳴三不及胡琴四
使君獨慕古者好與眾異共弔栢麤宮一灑孟嘗淚
歸來鎖塵匣獨對斷絃喟挂名石壁間寂寞千歲事
次韻田國博部夫南京見寄二絕

歲月翩翩下坂輪歸來杏子已生仁深紅落盡東風
惡柳絮榆錢不當春
火冷錫稀杏粥稠青裙縞袂鉤田頭大夫行役家人
怨應羨居鄉馬少游

游栢山會者十人以春水滿四澤夏雲多
奇峰為韻得澤字

東郊欲尋春未見鶯花迹春風在流水鳧鴈先拍拍
孤帆信溶漾弄此半篙碧艤舟栢山下長嘯理輕策
彈琴石室中幽響清磔磔弔彼泉下人野火失枯腊
悟此人間世何者為真宅暮回百步洪散坐洪上石
愧我非王襄子淵肯見客臨派吹洞簫水月照連壁
謂王氏兄弟也此歡真不朽回首歲月隔想象斜川游作詩
繼彭澤

戴道士得四字代作

少小家江南寄迹方外士偶隨曰雲出賣藥彭城市
雪霜侵鬢髮塵土汗冠袂賴此三尺桐中有山水意
自從夷夏亂七終久已弃心知麻鳴三不及胡琴四
使君獨慕古嗜好與眾異共弔栢麤宮一灑盂嘗淚
歸來鎖塵匣獨對斷絃喟挂名石壁間寂寞千歲事
次韻田國博部夫南京見寄二絕

歲月翩翩下坂輪歸來杏子已生仁深紅落盡東風
惡柳絮榆錢不當春
火冷餽稀杏粥稠青裙縞袂鉤田頭大夫行役家人
怨應羨居鄉馬少游

月夜與客飲酒杏花下

杏花飛簾散餘春，明月入戶尋幽人。
褰衣步月踏花影，炯如流水涵青蘋。
花間置酒清香發，爭挽長條落香雪。
山城薄酒不堪飲，勸君且吸玉盃中。
月洞簫聲斷，月明中，惟憂月落酒杯空。
明朝卷地春風惡，但見綠葉棲殘紅。

送蜀人張師厚赴殿試二首

忘歸不覺鬢毛斑，好事鄉人尚往還。
嶺不遮西望，恨送君直過楚王山。
雲龍山下試春衣，放鶴亭前送落暉。
一色杏花三十

里新郎君去馬如飛

再次韻答田國博部夫還二首

西郊黃土沒車輪，滿面風埃笑路人。
已放役夫三萬指，從教積雨洗殘春。
枝上稀疎地上稠，恐看紅糝落墻頭。
風流別乘多才思，歸趁西園秉燭游。

田國博見示石炭詩有鑄劍斬佞臣之句
次韻答之

楚山鐵炭皆奇物，知君欲斫姦邪窟。
屬鏤無眼不識人，楚國何曾斬無極。
王川狂直古遺民，救月裁詩語

月夜與客飲酒杏花下

杏花飛簾散餘春
明月入戶尋幽人
褰衣步月踏花影
燭如流水涵青蘋
花間置酒清香發
爭挽長條落香雪
山城薄酒不堪飲
勸君且吸孟中月
洞簫聲斷月明中
惟憂月落酒杯空
明朝卷地春風惡
但見綠葉樓殘紅

送蜀人張師厚赴殿試二首

忘歸不覺鬢毛斑
好事鄉人尚往還
嶺不遮西望
恨送君直過楚王山
雲龍山下試春衣
放鶴亭前送落暉
一色杏花三十

里新郎君去馬如飛

再次韻答田國博部夫還二首

西郊黃土沒車輪
滿面風埃笑路人
已放役夫三萬指
從教積雨洗殘春
枝上稀疎地上稠
忍看紅糝落墻頭
風流別乘多才思
歸趁西園秉燭游

田國博見示石炭詩有鑄劍斬佞臣之句
次韻答之

楚山鐵炭皆奇物
知君欲斫姦邪窟
屬鏤無眼不識人
楚國何曾斬無極
玉川狂直古遺民
救月裁詩語

宸真千里妖墓一寸鐵地上空愁蟻蝨臣

答郡中同僚賀雨

水旱行十年，飢疫遍九土。奇窮所向惡，歲歲祈晴雨。
雖非為已求，重請終愧古。鬼神亦知我，老病入腰膝。
何曾拜向人，此意難不許。重雲淒已合，微潤先流礎。
蕭蕭心遂作，坐聽及三鼓。天明將吏集，泥土滿靴履。
登城望楚麥，綠浪風掀舞。愧我賢友生，雄篇闢新語。
君看大熟歲，風雨占十五。天地本無功，祈禳何足數。
渡河不入境，豈若無蝗布。而况刑白鵝，下策君勿取。

罷徐州往南京馬上走筆寄子由五首

吏民莫扳援，歌管莫悽咽。吾生如寄耳，寧獨為此別。
別離隨處有，悲惱緣愛結。而我本無息，此涕誰為設。
紛紛尋兒戲，鞭撻遭割截。道邊雙石人，幾見太守發。
有知當解笑，撫掌冠纓絕。

父老何自來，花枝最長紅。洗殘拜馬前，請壽使君公。
前年無使君，魚鼈化兒童。舉鞭謝父老，正坐使君窮。
窮人命分惡，所向招災凶。水來非吾過，去亦非吾功。
古汴從西來，迎我向南京。東流入淮泗，送我東南行。
暫別還復見，依然有餘情。春雨漲微波，一夜到彭城。
過我黃樓下，朱欄照飛甍。可憐洪上石，誰聽月中聲。

前年過南京麥老櫻桃熟今來舊遊處櫻麥半黃綠
歲月如宿昔人事幾反覆青衫老從事坐穩生髀肉
聯翩閱三守迎送如轉轂歸耕何時決田舍我已卜
卜田向何許石佛山南路下有爾家川千畦種秔稌
山泉宅龍蜃平地走膏乳異時畝一金近欲為逃戶
逝將解簪綬賣劍買牛具故山豈不懷廢宅生蒿櫓
便恐祠鄉人長祠仲卿墓

次韻曹九章見贈

遽瑗知非我所師流年已似手中著正平獨肯從文
舉中散何曾靳孝厓賣劍買牛真欲老得錢沽酒

無疑雞豚異日為同社應有千篇唱和詩

書泗州孫景山西軒

落日明孤塔青山繞病身知君向西望不愧塔中人
過淮三首贈景山兼寄子由

好在長淮水十年三往來功名真已矣歸計亦悠哉
今日風憐客平時浪作堆晚來洪澤口捍索響如雷
過淮山漸好松檜之蒼然藹藹藏孤寺泠泠出細泉
故人真吏隱小檻帶巖偏却望臨淮市東風語笑傳
回首睢陽幕簿書高沒人何時桐栢水一洗庾公塵
此去漸佳境獨游長慘神待君詩百首來寫浙西春

舟中夜起

微風蕭蕭吹菰蒲開門看雨月滿湖舟人水鳥兩同
夢大魚驚竄如奔狐夜深人物不相管我獨形影相
嬉娛暗潮生渚弔寒蛭落月挂柳看懸蛛此生忽忽
憂患裏清境過眼能須臾雞鳴鐘動百鳥散船頭擊
鼓還相呼

余去金山五年而復至次舊詩韻贈寶覺

長老

誰能斗酒博西涼但愛齋厨法鼓香舊事真成一夢
過高談為洗五年忙清風偶與山阿曲明月聊隨屋

角方稽首願師憐久客直將歸路指茫茫

遊惠山并叙

余昔為錢塘倅往來無錫未嘗不至惠山既去五年
復為湖州與高郵秦太虛杭僧參寥同至覽唐處士
王武陵寶群朱宿所賦詩愛其語清簡蕭然有出塵
之姿追用其韻各賦三首

夢裏五年過覺來雙鬢蒼遂將塵土足一步漪瀾堂

俯窺松桂影仰見鴻鶴翔炯然肝肺間已作冰玉光

虛明中有色清淨自生香還從世俗去永與世俗忘

薄雲不遮山疎雨不濕人蕭蕭松徑滑策策芒鞋新

舟中夜起

微風蕭蕭吹菰蒲開門看雨月滿湖舟人水鳥兩同
夢大魚驚竄如奔狐夜深人物不相管我獨形影相
嬉娛暗潮生渚弔寒蚓落月挂柳看懸蛛此生忽忽
憂患裏清境過眼能須臾雞鳴鐘動百鳥散船頭擊
鼓還相呼

余去金山五年而復至次舊詩韻贈寶覺

長老

誰能斗酒博西涼但愛齋厨法鼓香舊事真成一夢
過高談為洗五年忙清風偶與山河曲明月聊隨屋

角方稽首願師憐久客直將歸路指茫茫

遊惠山

并叙

余昔為錢塘倅往來無錫未嘗不至惠山既去五年
復為湖州與高郵秦太虛杭僧參寥同至覽唐處士
王武陵寶群朱宿所賦詩愛其語清簡蕭然有出塵
之姿追用其韻各賦三首

夢裏五年過覺來雙鬢蒼遽將塵土足一步漸瀾堂

俯窺松桂影仰見鳩鶴翔炯然肝肺間已作冰玉光

虛明中有色清淨自生香還從世俗去永與世俗忘

薄雲不遮山疎雨不濕人蕭蕭松徑滑策策芒鞋新

嘉我二三子皎然無滯勝游豈味昔清句仍絕塵
弔古泣舊史疾說歌小吳哀我扶風子難與巢許鄰

謂賓

敲火發山泉烹茶避林樾明牕傾紫琰色味兩奇絕
吾生眠食耳一飽萬想滅頗笑玉川子飢弄三百月
豈如山中人睡起山花發一甌誰與共門外無來轍

贈惠山僧惠表

行遍天涯意未闌將心到處遣人安山中老宿依然
在案上楞嚴已不看欹枕落花餘幾片閉門新竹自
千竿客來茶罷空無有盧橘楊梅尚帶酸

贈錢道人

書生苦信書世事仍臆度不量力所負輕出千鈞諾
當時一快意事過有餘恡不知幾州鐵鑄此一大錯
我生涉憂患常恐長罪惡靜觀殊可喜脚淺猶容却
而况錢夫子萬事初不作相逢更何言無病亦無藥
與秦太虛參寥會于松江而關彥長徐安

中遠至今韻得風字二首

吳越溪山興未窮又扶衰病過垂虹浮天自古東南
水送客今朝西北風絕境自忘千里遠勝游難復五
人同舟師不會留連意擬看斜陽萬頃紅

二子緣詩老更窮人間無處吐長虹平生睡足連江
雨盡日舟橫擘岬風人笑年來三黜慣天教我輩一
樽同知君欲寫長相憶更送銀盤尾鬣紅

次韻關令送魚

舉網驚呼得巨魚饒涎不易忍流酥更煩赤腳長須
老來趁西風十幅蒲

東坡集卷第十

蘇東坡

蘇東坡

